

B O S N A I H E R C E G O V I N A
FEDERACIJA BOSNE I HERCEGOVINE
FEDERALNO MINISTARSTVO RAZVOJA,
PODUZETNIŠTVA I OBRTA

Na temelju točke VII. Odluke o usvajanju Programa utroška dijela sredstava sa kriterijima raspodjele sredstava „Transfer za poticaj razvoja, poduzetništva i obrta“ utvrđen proračunom Federacije Bosne i Hercegovine za 2009. godinu Federalnom ministarstvu poduzetništva i obrta, („Službene novine Federacije BiH“, broj 22/09), članka 3. Pravilnika o postupcima u provedbi programa razvoja malog gospodarstva („Službene novine Federacije BiH“, broj 18/09), Federalno ministarstvo razvoja, poduzetništva i obrta raspisuje

JAVNI NATJEČAJ

za dodijelu stipendija učenicima srednjih škola za djelatnosti tradicionalnih i starih zanata i deficitarnih zanimanja, iz sredstava „Transfer za poticaj razvoja poduzetništva i obrta“

I. PREDMET NATJEČAJA

Predmet javnog natječaja je prikupljanje prijave za odabir učenika srednjih škola kojima će se dodijeliti stipendije u školskoj 2009/2010 godini, iz dijela sredstava „Transfer za poticaj razvoja, poduzetništva i obrta“ utvrđenog u razdjelu 50. Proračuna Federacije Bosne i Hercegovine za 2009. godinu Federalnom ministarstvu razvoja, poduzetništva i obrta („Službene novine Federacije BiH“, br. 87/08 i 24/09).

U skladu sa Odlukom o usvajanju Programa utroška dijela sredstava sa kriterijima raspodjele sredstava „Transfer za poticaj razvoja, poduzetništva i obrta“ utvrđen proračunom Federacije Bosne i Hercegovine za 2009. godinu Federalnom ministarstvu poduzetništva i obrta, („Službene novine Federacije BiH“, broj 22/09), cilj projekta „Stipendiranje učenika“ je unaprijeđenje stručnog obrazovanja stipendiranjem učenika koji se obrazuju za djelatnosti tradicionalnih i starih zanata i deficitarnih zanimanja, te stimuliranje svršenih osnovaca da se nastave obrazovati za djelatnosti tradicionalnih i starih zanata i deficitarnih zanimanja.

II. PRAVO UČEŠĆA

Pravo učešća u ovom natječaju, imaju učenici (polaznici 1., 2. i 3. razreda) koji će se u školskoj godini 2009/10. školovati u srednjim stručnim školama za djelatnosti koje se obavljaju sa pretežnim udjelom ručnog rada, u manjim serijama, pružajući usluge odnosno stvarajući finalni proizvod tradicionalnog ili starog obrta u koje spadaju slijedeća zanimanja: bačvar, kazandžija, četkar, dimnjačar, graditelj muzičkih instrumenata, kaligraf, knjigovezac, kovač, krznar, lončar, mlinar, pismoslikar, obućar (ručna izrada i popravak obuće), remenar, stolar – restauriranje i ručna izrada namještaja, staklar, urar (isključivo održavanje i popravci), užar, izrada suvenira na tradicionalni način, krojač (šivanje po mjeri, popravci odjeće), kamenoklesar, lijevanje – odljevi umjetničkih predmeta, puškar – izrada i popravak unikatnog oružja, restauriranje (zgrada, namještaja i dr.), izrada i restauriranje narodnih nošnji, zlatar – filigranist, ručno kovanje - umjetnička bravarija, umjetnička keramika, izrada autohtonih suvenira koji održavaju tradiciju, proizvodnja i popravak nakita.

III. SADRŽAJ PRIJAVE

Da bi prijava bila predmet daljih razmatranja Stručne komisije za izbor korisnika sredstava, moraju biti dostavljeni:

(a) Zahtjev za uključivanje u projekt za dodijelu stipendije

/ Obrazac „Zahtjev za uključivanje u projekt za dodijelu stipendije“, sačinilo je Federalno ministarstvo razvoja poduzetništva i obrta i isti se može preuzeti u sjedištu ministarstva ili sa web stranice ministarstva/

(b) Ostali prilozi

Uz uredno popunjen obrazac „Zahtjev za uključivanje u projekt za dodijelu stipendije“, učenici su dužni priložiti originale ili ovjerene fotokopije slijedeće dokumentacije:

1. Uvjerenje o državljanstvu Bosne i Hercegovine,
2. Potvrdu o prebivalištu na području Federacije BiH /roditelja ili staratelja/
3. Potvrdu o statusu redovnog učenika /izdaje škola/
4. Kopiju svjedočanstva iz prethodno završenog razreda /ovjerena kopija/,
5. Izjavu da podnosilac zahtjeva ne prima stipendiju od drugog davaoca stipendije /potpisana lično i od roditelja ili staratelja/,
6. Kućnu listu sa podacima o godini rođenja svakog člana porodičnog domaćinstva,
7. Dokaze o porodičnom standardu
 - uvjerenje ili druga isprava o prosječnoj plati u posljednja tri mjeseca za sve zaposlene članove porodičnog domaćinstva;
 - za sve članove porodičnog domaćinstva korisnike lične ili porodične penzije iz zemlje ili inostranstva (ovjerena fotokopija posljednjeg odreska penzije),
 - za članove porodičnog domaćinstva koji su nezaposleni uvjerenje Službe za zapošljavanje.

Prijave koje ne sadrže dokumente koji se zahtijevaju, bit će odbijene i neće biti predmet daljeg razmatranja Stručne komisije za izbor korisnika sredstava. Sva priložena dokumenta moraju biti izdana od strane nadležnih organa Federacije BiH. Priložena dokumenta ne smiju biti starija od 3 (tri) mjeseca od dana objavljivanja ovog natječaja u „Službenim novinama Federacije BiH“. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja javnog natječaja u „Službenim novinama Federacije BiH“.

IV. KRITERIJI ZA IZBOR KORISNIKA STIPENDIJE

Kriteriji za izbor korisnika stipendije su: uspjeh u osnovnoj školi (za učenike prvog razreda); uspjeh u prethodnim godinama školovanja za učenike viših razreda; imovinsko stanje učenika; školovanje kod poznatog poslodavca (poslodavac kod kog se obavlja praktični rad)

Izbor korisnika stipendija vrši Stručna komisija za izbor korisnika sredstava obrazovana Rješenjem broj 05-14- 328 /09 od 05.06.2009. godine („Službene novine Federacije BiH“, broj 39/09), koja će na temelju propisanih kriterija iz Odluke o usvajanju Programa utroška sredstava sa kriterijima raspodjele sredstava „Transfera za poticaj razvoja poduzetništva i obrta“ i ovog natječaja, izvršiti izbor učenika kojima će se odobriti stipendija.

Stipendija se ne može dodijeliti za dva ili više učenika iz istog porodičnog domaćinstva.

V. NAČIN PREUZIMANJA POTREBNE DOKUMENTACIJE

Obrazac „Zahtjev za uključivanje u projekt za dodijelu stipendije“, kao i listu ostale potrebne dokumentacije za učešće na ovom javnom natječaju, pripremio je Federalno ministarstvo razvoja, poduzetništva i obrta i ista se može preuzeti u prostorijama Ministarstva u Mostaru, ulica Stjepana Radića 33. svakim radnim danom u vremenu od 10-14 sati ili elektronskim putem na web stranici Ministarstva (www.fmrpo.gov.ba).

VI. NAČIN PODNOŠENJA PRIJAVE

Prijave sa odgovarajućim priložima iz poglavlja III. ovog javnog natječaja, šalju se preporučeno poštom ili lično u zapečaćenim kovertama na adresu: **Federalno ministarstvo razvoja, poduzetništva i obrta, 88000 Mostar, ulica Stjepana Radića 33.** sa naznakom:

Ne otvarati – po Javnom natječaju za dodjelu stipendija.

Na poleđini koverta obavezno navesti prezime i me podnosioca prijave, adresu i kontakt telefon.

Rok za dostavu prijava je 45 (četrdesetpet) dana od dana objavljivanja ovog Javnog natječaja u „Službenim novinama Federacije BiH“, **odnosno do 02.10 2009.godine.**

Prijave primljene nakon isteka roka biti će odbačene i neće biti predmet razmatranja.

U postupku javnog natječaja Ministarstvo ne snosi nikakve troškove učesnicima na natječaju, te zadržava pravo da u slučaju opravdanosti prijavu prihvati u cijelosti, djelomično ili je u potpunosti odbije ili poništi javni natječaj.

Prispjela dokumentacija neće se vraćati.

VII. OSTALE ODREDBE

Sa podnosiocima prijava čije se prijave prihvate Federalno ministarstvo razvoja, poduzetništva i obrta će potpisati Ugovor o dodijeli stipendije, kojim će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih. Stipendija za školsku 2009/2010 utvrđuje se iznosu od 1.000,00 KM.

Podnosioci prijava čije se prijave odbace ili odbiju, mogu uložiti prigovor Ministarstvu u roku od sedam dana od dana objave rezultata natječaja u „Službenim novinama Federacije BiH“, radi provjere činjenica.

Sve dodatne informacije vezane za ovaj Javni natječaj mogu se dobiti svakim radnim danom na brojeve telefona: 036/449 -126 ili 036/449-120 u vremenu od 10 - 14 sati kao i na web stranici ministarstva (www.fmrpo.gov.ba)